

SCRIPT OF MORNING GOJRI NEWS BULLETIN 17DEC 2025

1015HRS

مارنگ گوجری نیوز بولٹن 17 دسمبر 2025

یوہ آکاشوانی جموں ہے محبوب سلطانی تیں خبر سُنو۔

LG BASHOLI WORKSHOP

لیفٹیننٹ گورنر منوج سنہا اج منجیمنٹ بارے بھارتی ادارو آئی آئی ایم جموں مانہہ بسولی پینٹنگ ور کشاپ غی افتتاحی تقریب مانہہ مہمان خصوصی غا طور ور شرکت کریں گا یا ورکشاپ آئی آئی ایم جموں غی طرفوں انندام یعنی خوشیاں گو مرکز غے تحت اندراگاندهی قومی مرکز برائے فن علاقائی مرکز جموں گا اشتراک سنگ منعقد کی جارہی ہے اس شروعات گو مقصد روایتی بسولی پینٹنگ نانہہ آجاگر کرنو تے طالب علمان نانہہ بھارت گا امیر ورثہ سنگ جوڑنو ہے واضع رہ جے بسولی پینٹنگ نانہہ تاثراتی شکل شوخ رنگ منفرد انداز توں جانیو جے تے یا خطہ گا قدیم روایتی فن بچوں اک ہے۔

LG TRIBUTES

لیفٹیننٹ گورنر منوج سنہا نے جموں کشمیر پولیس غا بہادر جوان کانسٹیبل امجد علی خان نانہہ خراج عقیدت پیش کیو۔ جنہاں نے ادھمپور مانہہ دہشت گردی مخالف کاروائی مانہہ ملک غی خاطر اپنی جان گو نظرانو پیش کیو ہے انہاں نے کہیو جے ہوں جموں کشمیر پولیس گا بہادر جوان کانسٹیبل امجد علی خان غی عظیم قربانی نانہہ سلام پیش کرو تے قوم اُن غی بہادری تے بے لوٹ خدمات غی ہمیشہ شکر گزار رہے غی۔ اُن غو مزید کہنو تھو جے ہم اس دکھ گا ویلا مانہہ شہید گا خاندان سنگ یکجہتی گو اظہار کراں۔

Dy CM DELEGATIONS

نائب وزیر اعلیٰ سریندر چودھری نے پچھلے تہاڑے جموں مانہہ بکھ بکھ وفود سنگ ملاقات کرگے عوامی معاملن ور گل بات کی ہے اس دوران نائب وزیر اعلیٰ نے ترقی شہریاں غی سہولت تے بہبودی غی سکیمان بارے معاملن نانہہ سنیو انہاں نے وفود نانہہ یقین دہانی کرواتا مانہہ کہیو جے اُنغی شکایتاں نانہہ ترجیح بنیاداں ور جانیو جے غوتے حل واسطے ضروری قدم چایا جیں غا عوام دوست طرز غی حکمرانی ور زور پاتا مانہہ سریندر چودھری نے اس گل نانہہ دہراتاواں کہیو جے حکومت لوکاں گی مشکلاں نانہہ حل کرن واسطے وعدہ بند ہے تے پورا خطہ مانہہ متعلقہ محکماں گا تعاون سنگ شمولیتی ترقی نانہہ یقینی بنارہی ہے۔

RUSTAM E JK

جموں کشمیر پہلی بار بین العوامی بھارتی طرز غی دنگل تے رستم اے جموں کشمیر خطاب 2025 غی میزبانی واسطے پوری طرح تیار ہے یاہ تقریب 20 تاریخ توں مولانا آزاد میدان جموں مانہہ منعقد وے غی اس بڑا مقابلہ مانہہ 100 توں متا بین العوامی تے قومی پہلوان شرکت کریں گا جہڑا رستم اے جموں کشمیر ٹائٹل

2025 واسطے مقابلو کریں گا اس تیں علاوہ بکھ بکھ زمردہ مانہہ دنگل وے غو
جن مانہہ نمایاں قومی تے بین العقوامی پہلوان حصولیں گا۔

POLIO VACCINE

جموں کشمیر مانہہ پلس پولیو مہم غے تحت حفاظتی ٹیکہ کاری بارے قومی تہاڑو
2025 گو آغاز 21 دسمبر نانہہ وے گو اس مہم مانہہ صفر توں 5 براں غی عمر
19 لکھ توں متا بچاں نانہہ پولیو ویکسین پلانی جے غی جد کہ کہر کہر
مہم 22 تے 23 دسمبر نانہہ جاری رے غی تانجے کوئی بچو ویکسین توں محروم نہ
رہ جے۔ اس سلسلہ مانہہ حکام نے دسیو ہے 10993 غے کول کال بوتھس 248
ٹرانسٹ پوئیٹ تے 518 موبائل ٹیم تعینات کی گئی ہیں اس ضمن مانہہ جموں اندر اک
میڈیا آگاہی اجلاس وی منعقد کیو گیو تانجے عوامی تعاون حاصل کرگے ہر بچہ
نانہہ پولیو گا دو قطرہ پلایا جائے تے پولیو توں پاک جموں کشمیر برقرار رکھیو
جاسکے۔

IPL CRICKET

جموں کشمیر واسطے تاریخی لمحو ہے جے بھارتی پریمیر لیگ آئی پی ایل گا 19
واں شمارہ گا منی آکشن غے دوران بارہمولہ توں تعلق رکھن آلا تیز گیند بال
عاقب نبی ڈار مہنگا بھارتی کھلاڑیاں بچو اک بین انہاں نانہہ دہلی کپیٹل نے 8 کروڑ
40 لکھ مانہہ خریدیو ہے وزیر اعلیٰ عمر عبداللہ نے عاقب نبی ڈار ہوراں نانہہ
مبارک دیتا واں کہیو جے مرکزی زیر انتظام آلا علاقہ واسطے فخر آلی گل ہے ان
خوشیاں مانہہ مزید اضافو اُس ویلے ہویو جد اڈھمپور توں تعلق رکھن آلا اک ہور
کھیڈاری برجیش شرما ہور راجستھان رائل مانہہ چنیا گیا ہیں کھیڈاریاں غو انتخاب
قومی سطح ور جموں کشمیر کرکٹ گائڈر گی بدھتی وی پشان نانہہ ظاہر کر رہیو
ہے۔

WEATHER

محکمہ موسمیات غی تازہ جانکاری غے مطابق جموں کشمیر مانہہ 20 دسمبر توڑی
موسم زیادہ تر خشک رہن غی پیشن گوئی کی گئی ہے جد کہ 21 دسمبر نانہہ کشمیر
خطہ جموں غا کُجھ علاقاں مانہہ ہلکی بارش غے نال برف باری ہوسکے اونگا
22 تیں 25 دسمبر بشکار تھوڑو تھوڑو چڑھ جد کہ 26 دسمبر نانہہ مکمل چڑھ رہن
بارے دسیو گیو ہے حکام نے مزید دسیو جے مرکزی زیر انتظام آلا علاقہ مانہہ
کُجھ مقام ور ہلکی توں درمیانہ درجہ غی تند ہو سکے جس غی وجہ توں صفر کرن
آلا واسطے راہ دیکھن مانہہ مشکل وے غی۔
